

**PROGRAM RADA  
I UKUPNIH AKTIVNOSTI SABNOR-a U KANTONU SARAJEVO  
za period 2021-2024.**

Sarajevo, mart 2021. godine

Program rada i društvenih aktivnosti SABNOR-a oslonjen je na: tradicije antifašističke borbe 1941-1945. godine i tekućih ukupnih društveno-političkih kretanja i stanja u BiH i regionu.

Ne može BiH ostati zaštićeno ostrvo od silnih globalnih promjena koje su preplavile svijet, posebno Evropu. Oficijelna vlast, dakle volja naroda, pomjera se u desno. Razlozi su različiti, a neki su zajednički. Neofašističke snage ispoljavaju svoju otvorenu djelatnost putem brojnih udruga. U nekim susjednim zemljama izjednačavaju se fašistički zločinci i njihove ratne krvave falange sa antifašističkom Narodnooslobodilačkom vojskom. Ustaše i četnici se žele proglasiti antifašistima, domoljubima i sl. Traži se lustracija istaknutih vođa Ustanka i narodnih heroja i tribuna.

U BiH Parlamentu ne postiže se saglasnost o potrebi usvajanja Zakona o zabrani djelovanja fašističkih organizacija. Nema u javnosti otvorenog objašnjenja koje to snage i zbog čega neće da zabrane neofašistima djelovanje na teritoriji BiH. To treba obznaniti i argumentovano se suprotstaviti. Toliko je sačuvano validnih dokumenata koji govore o masakrima i pokoljima četnika i ustaša nad nevinim civilnim stanovništvom „one druge vjere“ i idejne pripadnosti.

Jedini časopis koji je dokumentovao zločine kolaboranata „Glas antifašista“ ugašen je, izbačen iz budžeta Grada. Grant od 20.000 KM je bilo opterećenje koje gradski budžet nije mogao podnijeti.

Opće stanje u BiH društvu u 2020. godini bilo je izuzetno teško. Građani su očekivali da će se ispuniti bar dio datih predizbornih obećanja, ali od toga se ništa nije ispunilo. Nada se polagala i u određene inicijative EU. Pojačano je razorno djelovanje na državu BiH od strane RS, naročito predsjednika Dodika. Ni u Federaciji nema konsenzusa oko najbitnijih pitanja između dvije najveće nacionalne stranke.

Zvanično, svi su za dogovor, svi su antifašisti, svi žele život u okviru BiH. A u praksi od svega toga – ništa. Posebne teškoće izazvane su pandemijom Corona virusa. O tome smo svakodnevno informisani, te nema potrebe da to ovdje činimo.

U takvom bezperspektivnom stanju (na kraće staze) u dvoličnosti političke vrhuške, u daljem razbijanju snaga što bi moglo da uveže BiH narode, u daljem zatvaranju u vlastite nacionalne torove, sisanje nepovjerenja i mržnje, u takvim ili ovakvim opštim uslovima, antifašisti su nepoželjni. Sve ono što mi smatramo vrijednostima, u suprotnosti je sa „vrijednostima“ nacionalnih stranaka.

Ovi i mnogi drugi primjeri su odraz stanja u kojem trebamo i nalazimo prostor za svoje djelovanje. Navedeno stanje je svojevrsno opterećenje, ne omogućava širinu svoga neophodnog djelovanja. Ograničenja su snažna, od finansijskog do društveno političkog.

Potpuno svjesni teškoća, ali i istorijske potrebe za našim postupanjem i djelovanjem, SABNOR u Kantonu Sarajevo svoju programsku aktivnost usmjerit će naročito na ova pitanja:

### **NJEGOVANJE TRADICIJA NOB-a**

U skladu sa Kalendarom za obilježavanje zajedničkih događaja i ličnosti SABNOR-a u Kantonu Sarajevo, obilježiti će se.

- Igmanski marš
- Dan oslobođenja grada Sarajeva
- Dan pobjede nad fašizmom
- Dan ustanka naroda BiH
- Dan državnosti BiH i sjećanja na ZAVNOBiH

Kantonalni SABNOR će uzeti učešća u manifestacijama koje organizuju drugi nivoi organizacija SABNOR-a:

- Bitka na Neretvi,
- Bitka na Sutjesci,
- Godišnjica ZAVNOBiH-a u Mrkonjiću,
- Godišnjica II zasjedanja ZAVNOBiH-a u Sanskom Mostu,
- Godišnjica AVNOJ-a u Jajcu,
- Godišnjica formiranja Prve Proletherske brigade,
- Godišnjica oslobođenja Mostara,
- Posjeta Kumrovcu, Drvaru, Jasenovcu, Kući cvijeća, Pjenovcu.

Upravni odbor će uzeti učešće u obilježavanju datuma koja organizuju njegove članice u skladu sa svojim kalendarima, te razmjenama posjeta sa kantonima u Federaciji i udruženjima SUBNOR-a u Republici srpskoj.

Ovaj oblik programskog djelovanja i saradnje planiramo i u 2021. godini, ali je ograničen nedostatkom finansijskih sredstava. Za međunarodnu saradnju nemamo materijalnu podršku.

Značajno mjesto u ovoj oblasti je očuvanje i obnova spomen obilježja iz perioda 1941-1945. Spomen park Vraca je i dalje neriješeno pitanje između nivoa vlasti.

Općinska udruženja nastaviti će brigu održavanja spomen obilježja na svojoj teritoriji.

## **SOCIJALNA I ZDRAVSTVENA ZAŠTITA BORACA NOR-a**

Federalno ministarstvo za boračka pitanja pokrenulo je izradu dva zakona: jedan reguliše način organizovanja boračkih udruženja, a drugi prava boraca. U ovom drugom zakonu uopšte nema obuhvaćenih boraca NOR-a, veterana Drugog svjetskog rata. Obavili smo rasprave i dostavili svoje mišljenje Ministarstvu. Pratit ćemo ovaj Zakon u svim fazama i blagovremeno reagovati.

Zalagat ćemo se za očuvanje i unapređenje socijalne sigurnosti, materijalnog i ukupnog društvenog statusa boraca NOR-a, a isto tako i boraca Antifašističkog odbrambeno-oslobodilačkog rata 1992-1995. godine.

U skladu sa materijalnim mogućnostima, Upravni odbor će pomoći najugroženijima u dodjeli sredstava za nabavku lijekova i prehrambenih artikala.

## **ISTINA O NOB-u 1941-1945. I MLADI**

Danas je naročito mladom čovjeku teško doprijeti do istine o NOB-u i zaslužnim ličnostima iz tog perioda. Zavnobihovska BiH je utvrđena na zajedništvu i ravnopravnosti njenih naroda, a ova Dejtonska suprotno – satkana je i živi na podjelama. O NOB-u, o herojskom otporu i silnim ofanzivama i borbama vođenim na teritoriji BiH u udžbenicima ne piše. Ne piše ni o tome ko su zaslužni pojedinci koji su spriječili (uz pomoć Tita i Kardelja) da BiH ne bude autonomna pokrajina, nego republika sa osnovom državnosti. Rodoljub Čolaković i Avdo Humo bili su tumači stava BiH komunista i naroda i zahvaljujući njihovim argumentima u Jajcu je izrađen prijedlog dokumenta u kojem je BiH ravnopravna sa ostalim republikama.

Mladi to ne znaju, ne znaju još mnogo šta što je dovelo do uslova obnove državnosti BiH.

A Rodoljub Čolaković, jedan od najzaslužnijih za prihvatanje BiH sa elementima državnosti, od novih vlasti izbrisan je iz istorije samo zato što je bio komunista i Srbin.

Zbog ovakvog stanja u nepoznavanju istorijskih istina o NOB-u, Upravni odbor će i dalje insistirati na potrebi još veće saradnje sa osnovnim i srednjim školama, održavanju časova istorije i neposrednom razgovoru aktivista udruženja sa učenicima i nastavnicima.

Sastavni dio ove oblasti, borbe protiv falsifikovanja istorijske istine o NOB-u 1941-1945. godine, je suprotstavljanje svakom pokušaju rehabilitacije domaćih izdajnika, fašističkih kolaboranata, četnika i ustaša. Na žalost, u ratnom periodu i odmah nakon Dejtonskog sporazuma, sarajevske vlasti su izbrisale imena i nazive ulica zaslužnih antifašista, a nekim ulicama dali nazive po nacionalistima i ustaškim kolaborantima.

U ovakvoj situaciji, u ovakvim političkim odnosima, teško da možemo to promijeniti.

SABNOR ostaje otvoren za saradnju i programsko uvezivanje sa svim udruženjima koja okupljaju mlade a u svom programu imaju naglašeno antifašističko djelovanje.

## **SARADNJA SA OSTALIM SRODNIM UDRUŽENJIMA**

### **I SAVEZIMA ANTIFAŠISTA U BIH I REGIJI**

Sarajevski SABNOR svojom otvorenošću i željom za uvezivanjem i jačanjem antifašističkog fronta, ostvario je dobru saradnju sa brojnim udruženjima u BiH i regiji. Svaki početak objektivno polazi od odnosa poznanstva pojedinaca, ali se ne trebaju zadržavati na tom nivou. Sve inicijative i prijedloge institucionalizirati, prenijeti ih u organe, izjasniti se o njima i uvrstiti u oficijelni program.

U nastavku dosadašnje prakse i saradnje sa udruženjima iz susjednih zemalja, Upravni odbor će putem delegacija prisustvovati svečanostima na koje budu pozvani.

Na manifestacije koje organizuje SABNOR u Kantonu Sarajevo dolaze antifašisti iz zemalja nastalih raspadom SFRJ, te iz Austrije, Italije i Rusije.

Odvijati će se i dalje saradnja sa srodnim udruženjima iz: Podgorice, Makarske, Splita, Zagreba, Beograda, Ljubljane, Krargujevca, Vukovara, Brčkog, Dubrovnika.

Obezbijediti učešće naših predstavnika na međunarodnim tematskim raspravama i naučnim skupovima.

Upravni odbor ne želi da određuje ko će sa kim sarađivati, ali traži da bude blagovremeno informisan o prijedlogu oblika i sadržaja saradnje sa udruženjima unutar i van BiH.

## **ORGANIZACIONO I KADROVSKO OSPOSOBLJAVANJE**

U devet kantonalnih općina, Savez ima 8 članica (nema u Trnovu) koje su se svojevremeno odlukama svojih skupština udružile u savez sa svojim pravima i obavezama.

Objektivna je činjenica da su uslovi i rezultati između udruženja – članica različiti, počev od uslova finansiranja, broja aktivnog članstva, struktura članova, podrška i saradnja sa lokalnom zajednicom, nosiocima vlasti, saradnjom i uvezanošću sa boračkim udruženjima 1992-1995. godine, i svakako kadrova u organima udruženja. U 2020. godini, sa različitim stepenom uspješnosti i u uslovima borbe sa Coronom, sva udruženja realizovala su svoj program. Niko nema željenu strukturu kadrova u organima i ona se

mora unapređivati. Međusobnu saradnju udruženja stalno jačati i učiniti je još uspješnijom.

Kadrovski sastav organa u udruženjima i Savezu je zadovoljavajući, ali ne i željeni. Iako se čine značajni napori, nastojanja, razgovori, mladi se teško odlučuju za stalnim angažmanom u organima udruženja. Razlozi su poznati i brojni.

Prema posljednjem popisu (2020.) Savez obuhvata 1.800 članova, 56 učesnika NOR-a i 3 nosilaca Partizanske spomenice.

Ova 2021. godina treba biti naročito posvećena kadrovskom jačanju sa mlađim generacijama. A njima i sa njima bit će potrebno organizovati tematske rasprave u prigodnim oblicima i prostorima. U ovom cilju koristiti kadrove iz vlastitih redova i akademske zajednice.

### **INFORMISANJE**

Informisanje između udruženja i Saveza je dosta uspješno realizovano, ali se obzirom na posjedovanje informatičke opreme treba i dalje unapređivati. I ovdje je problem mlađih kadrova koji su nam potrebni za izradu i rad programa na daljem proširenju unosa podataka i njihovih objedinjavanja. Pokušaj da nam Zavod za zapošljavanje dodijeli na godinu dana jednog pripravnika do sada nije realizovan.

Sredstva javnog informisanja su sa nama na manifestacijama od većeg značaja. Međutim, kada treba da objavimo neko naše saopštenje, mišljenje, osudu, podršku, ne dobijamo prostor.

U narednom periodu ne odustajati od upornog traženja svojega prava na prostor.

Neposredno i putem sredstava informisanja podržavati vlasti u državnim organima i više u nastojanju očuvanja teritorijalnog integriteta, suvereniteta i cjelovitosti Bosne i Hercegovine.

Reagovati na sve pokušaje njene razgradnje.

Dostavu informacija prema Savezu, udruženja treba da prihvate kao svoju obavezu proizašlu iz Statuta.

\*

Brojna su i ostala pitanja kojima će se baviti ovaj Savez i njegove članice, te ih i nije moguće taksativno nabrojati u ovom prijedlogu.

UPRAVNI ODBOR

## SABNOR u Kantonu Sarajevo

### OPERATIVNI PLAN RADA SABNOR-a u Kantonu Sarajevo za 2022. godinu

Obzirom na stanje izazvano pandemijom corona virusa i činjenicom da se ne zna do kada će i kojim intenzitetom djelovati i posljedice koje će uslijediti, nemoguće je dati za 2022. godinu realan Program rada. Upravni odbor se odlučio da uvrsti sve ili skoro sve manifestacije u kojima neposredno učestvuje, a realizacija će biti ovisna od zdravstvenog stanja.

Ako stanje bude onemogućavalo masovnije organizovanje, sve dole navedene događaje i datume obaviti ćemo simbolično putem delegacija.

Mjesec	Događaj i datum	Organizator	Mjesto održavanja
Januar	Boravak Prve proleterske brigade na području Sarajeva 1942. 18.01.	UABNOR Vogošća, UO Saveza	Grabljive njive
	Bitka na Pjenovcu 21.01.	SUBNOR Han Pijesak UO Saveza,	Han Pijesak
	Dan oslobođenja Goražda, 25.01.	SABNOR Goražde UO Saveza	Goražde
	Igmanski marš 29.01.	Savez Udruženje Hadžići	Igman, Veliko polje
Februar	Dan oslobođenja Mostara	SABNOR MOSTAR	Mostar
	-	-	-
Mart	Dan državnosti BiH 01.03.	Državni organi Savez Udruženja	Sarajevo
	Dan oslobođenja Konjica	UABNOR Konjic Delegacija	Konjic
	Sjećanje na boravak VŠ NOVJ i Tita	Fondacija Savez	Ledići

	Osnivanje 1.bataljona 6.IBB 16.03.	UABNOR Ilijaš Savez	Srednje
April	Dan oslobođenja Sarajeva 06.04.	Gradska upava Savez udruženja UABNOR-a	Kanton Sarajevo
	-	-	-
Maj	Posjeta Titovom spomeniku 04.05.	UABNOR Novo Sarajevo	Kampus
	Dan pobjede, 09.05. Prema Protokolu Kantona	Savez udruženja	Sarajevo
	Bitka na Neretvi	Opština Jablanica	Jablanica
	Posjeta Titovom spomeniku 25.05.	Delegacije	Kampus
Juni	Bitka na Sutjesci	Delegacije	Tjentište
Juli	-	-	-
	-	-	-
	Dodjela Priznanja juli	Kantonalni savez	Historijski muzej
	Dan ustanka naroda BiH 27.07.	Kantonalni savez Delegacije	Ivan Sedlo
	Dan ustanka naroda BiH 22 - 27.07.	Savez udruženja	U svim opštinama Kantona
Avgust	Godišnjica diverzije na aerodrom Rajlovac	UABNOR Novi Grad	Rajlovac
Septembar	-	-	-
	Manifestacija u Glavatičevu 19. 09.	UABNOR Konjic Delegacije	Glavatičevo



Oktobar	Dan oslobođenja Stoca	UABNOR Stolac	Stolac
	Posjeta Bobovcu i Kraljevoj Sutjesci	Savez udruženja	Bobovac (prema uslovima)
Novembar	Dan državnosti BiH 25. 11.	Savez udruženja Općinska udruženja	Sarajevo
Decembar	Novogodišnje druženje Članstva	Savez udruženja	Prema uslovima
	Posjeta Rudom	Savez udruženja	Rudo

Presjednik

Mirsad Ćatić

## **Kompatibilni programski pravci djelovanja SABNOR u KS usklađeni sa članom 5 Odluke.**

- a) **„Kultura sjećanja“** kao integralni projektni modul EU se u praksi SABNOR u KS pokazao kao veoma fleksibilan i prepoznatljiv model pri realizaciji projektnih aktivnosti vezanih za obilježavanje najznačajnijih istorijskih događaja iz antifašističke tradicije Grada Sarajeva .

**Antifašizam**, kao pobjednički kod progresivnog svijeta, kojeg SABNOR u KS s ponosom i uspjehom već dugi niz godina, kroz svoje djelovanje, aktivno promovira, prezentuje i realizuje kroz projektne aktivnosti, je postao prepoznatljiv i istinski utemeljen u **Gradu Sarajevu i brendira ga antifašističkim obolom kao metropolu pozitivnih i univerzalnih kosmopolitskih vrijednosti.**

- b) **Antifašisti Austrije, Italije, Rusije, Slovenije, Crne Gore, Srbije, Hrvatske i Makedonije kao prijatelji SABNOR u KS** već dugi niz godina su redovni gosti na obilježavanju značajnih antifašističkih manifestacija koje realizuje SABNOR u KS. Svi naši gosti iz godine u godinu nose prijatne i značajne pouke i poruke iz našeg Grada Sarajeva i **uspostavljaju prijateljske odnose sa našim građanima .**

- c) **Građani Sarajeva a posebno mladi**, su temeljna odrednica u transmisiji pozitivne antifašističke misli i kroz aktivno projektno i manifestaciono djelovanje uzimaju iznimno veliko učešće čime kroz praksu utemeljuju svoje spoznaje o vrijednostima antifašizma.

**Mnogobrojni akteri akdemske zajednice Grada Sarajeva, kulturno-sportska udruženja i klubovi, izviđači, planinari i KUD** su članovi ili simpatizeri SABNOR u KS i veoma su aktivni u realizaciji projektnih aktivnosti SABNOR u KS u sferi prikladne edukativne aktivnosti, međunarodne suradnje, izdavačke djelatnosti, medijske prezentacije i zajedničkog projektnog djelovanja.

- d) Semantičko i logčko poimanje antifašizma i njegovih primjenjivih bitnih odrednica, kao suprotnosti svim negativnostima i društvenim devijacijama, je temeljna vrijednost koju baštini SABNOR u KS. Progresivnim partnerskim djelovanjem **SABNOR u KS čini prepoznaljivu transmisiju pozitivnih vrijednosti antifašizma, koja doprinosi općoj pozitivnoj kohezivnoj društvenoj klimi i razvoju zdrave multikulturalne i progresivne socijalne sredine .**

- e) **Mnogobrojni građani Grada Sarajeva** su kroz svjetlu istoriju demonstrirali svoju privrženost Sarajevu i opredjeljenost ka slobodi svih njegovih žitelja. Vještom mišlju, maestralnog Šibe Krvavca svi naši antifašisti su simbolizovani kroz Valtera koji i danas **kod mladih ljudi budi pozitivna sidra i otvara vidike mogućeg progresnog djelovanja u svim sferama života.**
- f) Činjenica je da SABNOR u KS već dugi niz godina baštini tradiciju članstva u **međunarodnoj antifašističkoj asocijaciji** i da ostvaruje tijesnu saradnju kako kroz edukativne projektne aktivnosti tako i kroz manifestacionu razmjenu iskustava.

Koliki međunarodni značaj i turistički potenciju ima projekat „**Kultura sjećanja**“ pokazuje i najveći međunarodni skup antifašista“ **Igmanski marš**“ koji u Grad Sarajevo u toku **5 dana privuče hiljade posjetilaca iz cijele regije koji prije i nakon same manifestacije upriliče odmor u Gradu Sarajevu pošalju bezbroj zanimljivih objava na socijalnim mrežama i ponesu lijepe utiske.**

Kao zaključno razmatranje potenciramo deset bitnih odrednica Saveza Antifašista i Boraca NOR –SABNOR- u Sarajevu koje ga definiraju kao udruženje od posebnog značaja za Grad Sarajevo

1. Jedino je SABNOR registrovano udruženje koje čini Savez antifašista u Sarajevu, koje **semantički i programski baštini antifašističko naslijeđe Sarajeva.**
2. Jedino SABNOR u Sarajevu njeguje i programski, prakticira antifašizam u Sarajevu i šire kao **svjetski pozitivni brend** koji je decenijama utemeljen u Sarajevu.
3. Jedino SABNOR u Sarajevu sistematski, planski i programski baštini i **obilježava značajne datume i jubileje iz naše antifašističke NOB.**
4. Jedino SABNOR u Sarajevu ostvaruje značajnu **međunarodnu saradnju** sa srodnim antifašističkim asocijacijama, promovirajući naš Grad .
5. Jedino SABNOR u suradnji sa akademskom zajednicom aktivno učestvuje u kreiranju **antifašističke platforme i na njoj bazirane edukacije mladih našeg Grada.**
6. Jedino SABNOR u Sarajevu aktivno i kooperativno učestvuje u realizaciji **EU projekata antifašističkog naslijeđa** i prezentuje Sarajevo kao sljedbenika istih.
7. **Vjerujemo da je antifašizam jedina zdrava osnova za djelovanje istomišljenika u izgradnji prosperitetnog Sarajeva.**

**8.Sposobni** smo kao društveno odgovorna i pozitivno orijentirana asocijacija sa etički moralnim članstvom, da nastavimo kvalitetno i uspješno djelovati u svim porama naše društvene zbilje.

**9.Posvećeni** smo inovativnoj transmisiji pozitivnih vrijednosti i tekovina antifašizma na mlade generacije.

**10.Svjesni** smo da vrhunski i kreativno primjerena manifestacija bitnih događaja iz našeg antifašističkog naslijeđa plijeni pažnju i ključna je komunikacijska odrednica i pobuda pozitivnog sidra koje baštine građani Sarajeva.



Dvorsjednik

Mirsad Catić

**Deset bitnih odrednica Saveza Antifašista i Boraca NOR –SABNOR- u Sarajevu koje ga definiraju kao udruženje od posebnog značaja za Grad Sarajevo**

1. Jedino je SABNOR registrovano udruženje koje čini savez antifašista u Sarajevu, koje semantički i programski baštini antifašističko naslijeđe Sarajeva.

2. Jedino SABNOR u Sarajevu njeguje i programski, prakticira antifašizam u Sarajevu i šire kao **svjetski pozitivni brend** koji je decenijama utemeljen u Sarajevu.

3. Jedino SABNOR u Sarajevu sistematski, planski i programski baštini i **obilježava** značajne datume i jubileje iz naše antifašističke NOB.

4. Jedino SABNOR u Sarajevu ostvaruje značajnu **međunarodnu saradnju** sa srodnim antifašističkim asocijacijama, promovirajući naš Grad .

5. Jedino SABNOR u suradnji sa akademskom zajednicom aktivno učestvuje u kreiranju **antifašističke platforme** i na njoj **bazirane edukacije mladih** našeg Grada.

6. Jedino SABNOR u Sarajevu aktivno i kooperativno učestvuje u realizaciji **EU projekata antifašističkog naslijeđa** i prezentuje Sarajevo kao **sljedbenika** istih.

7. Vjerujemo da je antifašizam **jedina zdrava osnova za djelovanje** istomišljenika u izgradnji **prosperitetnog Sarajeva**.

8. Sposobni smo kao društveno odgovorna i pozitivno orijentirana asocijacija sa **etički moralnim članstvom**, da nastavimo kvalitetno i uspješno djelovati u svim porama naše društvene zbilje.

9. Posvećeni smo inovativnoj **transmisiji pozitivnih vrijednosti i tekovina antifašizma na mlade generacije**.

10. Svjesni smo da vrhunski i krativno primjerena **manifestacija bitnih događaja** iz našeg antifašističkog naslijeđa **plijeni pažnju** i **ključna je komunikacijska odrednica** i pobuda **pozitivnog sidra** koje baštine građani Sarajeva.

BOSNA I HERCEGOVINA  
FEDERACIJA BOSNE I HERCEGOVINE  
Federalno ministarstvo financija – finansija  
Porezna uprava – Kantonalni ured  
SARAJEVO

Na osnovu člana 16. Zakona o Poreznoj upravi Federacije Bosne i Hercegovine  
("Službene novine Federacije BiH", broj 33/02), Porezna uprava Federacije BiH izdaje

UVJERENJE O POREZNOJ REGISTRACIJI

**«Savez udruženja antifašista i boraca  
narodnooslobodilačkog rata u Kantonu  
Sarajevo»**

Sa sjedištem: SARAJEVO  
Adresom: BEHDŽETA MUTEVELIĆA 19

i identifikacijskim brojem:

**4200595670008**

Registрован je u Poreznoj upravi Federacije BiH  
Kantonalni ured SARAJEVO

Po ovlaštenju rukovodioca Kantonalnog ureda

M.P.

Hafa Kovač dipl.oec.

Datum: 27-09-2007





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Justice and Administration

**Broj: 03-03-04-10098/21**  
**Sarajevo, 05.08.2021. godine**

Ministarstvo pravde i uprave Kantona Sarajevo rješavajući po zahtjevu Saveza udruženja antifašista i boraca Narodnooslobodilačkog rata u Kantonu Sarajevo za upis promjena u Registar udruženja, na osnovu člana 33. stav (2) Zakona o udruženjima i fondacijama ("Službene novine Federacije Bosne i Hercegovine", broj 45/02), donosi:

### RJEŠENJE

1. U Registru udruženja Ministarstva pravde i uprave Kantona Sarajevo, kod Saveza udruženja antifašista i boraca Narodnooslobodilačkog rata u Kantonu Sarajevo, sa sjedištem u Sarajevu, ulica Behdžeta Mutevelića broj 19, upisanog pod registarskim brojem 163. knjiga I Registra udruženja, dana 22.09.1998. godine, upisuju se promjene, kako slijedi:

1.1. Prestaju ovlaštenja licu za zastupanje i predstavljanje Saveza:  
**Ibrahim Čomić - predsjednik Upravnog odbora.**

1.2. Lice ovlašteno za zastupanje i predstavljanje Saveza je:  
**Mirsad Čatić – predsjednik Upravnog odbora Saveza.**

2. Razrješenje i imenovanje predsjednika i potpredsjednika Skupštine Saveza.

3. Razrješenje članova Upravnog odbora Saveza.

4. Imenovanje članova Upravnog odbora Saveza.

5. Ostali upisi u Registru udruženja ostaju neizmijenjeni.

6. Savez udruženja antifašista i boraca Narodnooslobodilačkog rata u Kantonu Sarajevo, dužno je Ministarstvu pravde i uprave Kantona Sarajevo prijaviti promjene statuta, naziva, sjedišta, ciljeva i djelatnosti, lica ovlaštenog za zastupanje i predstavljanje, članova organa upravljanja, pripajanja, razdvajanja ili transformaciju i prestanak rada Saveza u roku od 30 dana od dana izvršene promjene.



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba)  
Tel: + 387 (0) 33 562-083,  
Fax: + 387 (0) 33 562-241

Sarajevo, Reisa Džemaludina Čauševića 1



7. Za izdavanje ovog rješenja Savez udruženja antifašista i boraca Narodnooslobodilačkog rata u Kantonu Sarajevo je uplatilo taksu u iznosu 100,00 KM i 100,00 KM naknade za promjena u Registar udruženja, na žiro račun broj: 141 196 53200084 75.



### Obrazloženje

Savez udruženja antifašista i boraca Narodnooslobodilačkog rata u Kantonu Sarajevo, dana 15.07.2021. godine, podnijelo je Ministarstvu pravde i uprave Kantona Sarajevo zahtjev za upis promjena u Registar udruženja koji je dopunjen 05.08.2021. godine, a koji se odnosi na promjenu članova organa upravljanja i ovlaštenog lica za zastupanje i predstavljanje Saveza.

Uz zahtjev za upis promjena u Registar udruženja (Obrazac broj 6) i prijavu promjena djelatnosti, statuta i članova upravnog tijela (Obrazac broj 7), priložena je potrebna dokumentacija u skladu sa Zakonom o udruženjima i fondacijama („Službene novine Federacije BiH“, broj 45/02) i Pravilnikom o načinu vođenja registra udruženja i fondacija i stranih i međunarodnih nevladinih organizacija („Službene novine Federacije BiH“, broj 61/02) i to: Odluka o razrješenju i imenovanju predsjednika i potpredsjednika Skupštine Saveza, Odluka o razrješenju članova Upravnog odbora Saveza, Odluka o imenovanju članova Upravnog odbora Saveza, sa popisom članova upravnog tijela (Obrazac broj 5), Odluka o razrješenju i imenovanju ovlaštenog lica za zastupanje i predstavljanje Saveza, te Zapisnik sa sjednice Izborne Skupštine Saveza udruženja antifašista i boraca Narodnooslobodilačkog rata u Kantonu Sarajevo održane 01.07.2021. godine.

Uvidom u priloženu dokumentaciju koja je dostavljena uz zahtjev, utvrđeno je da su ispunjeni zakonski uslovi za upis promjena u Registar udruženja, pa je na osnovu člana 33. stav (2) Zakona o udruženjima i fondacijama („Službene novine Federacije BiH“, broj: 45/02), odlučeno kao u dispozitivu Rješenja.

Rješenje se izdaje uz naplatu takse u skladu sa članom 19. tarifni broj 36. Zakona o administrativnim taksama („Službene novine Kantona Sarajevo“, br. 30/01 - Prečišćeni tekst i 22/02, 10/05, 26/08 i 23/16) i uz naknadu za upis udruženja, a shodno Rješenju o visini naknade za upis u Registar udruženja broj: 03-02-312/03 od 10.01.2003. godine, na žiro račun broj: 141 196 532 000 8475.



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba)  
Tel: + 387 (0) 33 562-083,  
Fax: + 387 (0) 33 562-241  
Sarajevo, Reisa Džemaludina Čauševića 1







**Pouka o pravnom lijeku**  
 Ovo rješenje je konačno, te protiv njega nije dopuštena žalba, ali se može pokrenuti upravni spor, tužbom kod Kantonalnog suda u Sarajevu u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prepisu.

**MINISTRICA**  
 Darja Softić Kadenić


Dostaviti:

- ① Savezu udruženja antifašista i boraca Narodnooslobodilačkog rata u Kantonu Sarajevo, ulica Behdžeta Mutevelića broj 19, Sarajevo;
2. Federalnom ministarstvu pravde;
3. Ministarstvu za boračka pitanja Kantona Sarajevo;
4. Zbirci isprava;
5. Poreznoj upravi Federacije BiH, Porezni ured Sarajevo – ul. Husrefa Redžića broj 4;
6. Arhivi.



web: <http://mpu.ks.gov.ba>  
 e-mail: [mpu@mpu.ks.gov.ba](mailto:mpu@mpu.ks.gov.ba)  
 Tel: + 387 (0) 33 562-083,  
 Fax: + 387 (0) 33 562-241  
 Sarajevo, Reisa Džemaludina Čauševića 1





SAVEZ ANTIFAŠISTA I BORACA  
NARODNOOSLOBODILAČKOG RATA U BOSNI I  
HERCEGOVINI  
SAVEZ UDRUŽENJA ANTIFAŠISTA I BORACA  
NARODNOOSLOBODILAČKOG RATA U KANTONU  
SARAJEVO

71000 Sarajevo, Behdžeta Mutevelića 19,  
Tel/Fax +387 33 522 124  
e-mail: [sabnor41\\_45@bih.net.ba](mailto:sabnor41_45@bih.net.ba)

Žiro račun:  
1610000013430049  
Raiffeisen Bank Sarajevo  
ID 4200595670008

Broj: 34/2022  
Sarajevo, 08.02. 2022.

PRAVA GRADA SARAJEVO  
Gradonačelnica Benjamina Karić

**PREDMET:** Zahtjev za uvrštavanje Saveza udruženja antifašista i boraca NOR-a u Sarajevu kao Udruženja od posebnog društvenog značaja za Grad Sarajevo

Od 1948. godine SUBNOR-SABNOR djeluje u gradu Sarajevo sa pozicija antifašističkog naslijeđa, očuvanja pozitivnih vrijednosti i zajedničkog života i sklada svih građana Sarajeva i BiH. Savez je u životu Sarajeva prepoznatljiv i uvažen faktor koji svojim programskim djelovanjem čuva i podsjeća na izuzetno značajan period obnove državnosti savremene Bosne i Hercegovine i Sarajeva, kao primjer multinacionalne zajednice.

Navodimo osnovne razloge zbog kojih smatamo da je SABNOR udruženje od posebnog značaja našega Sarajeva.

U prilogu dostavljamo:

- Rješenje o registraciji,
- ID broj,
- Izjava
- Deset bitnih odrednica SABNOR-a Sarajevo,
- Kompatibilni programski pravci djelovanja SABNOR u KS
- Operativni plan rada za 2022. godinu,
- Program rada i aktivnosti u period 2021-2024.,



Predsjednik

Mirsad Čatić